

Na osnovu člana člana 136. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo" broj 27/24), člana 118. Zakona o radu („Službene novine Federacije BiH" broj: 26/16, 89/18, 44/22 i 39/24), Odluke o Pedagoškim standardima za osnovni odgoj i obrazovanje i normativima školskog prostora, opreme, nastavnih sredstava i učila za osnovnu škole ("Službene novine Kantona Sarajevo", broj: 10/24 i 21/24-Ispravka, 35/24) uz prethodne konsultacije sa Sindikatom JU OŠ „Meša Selimović“ Sarajevo i dostavljeno mišljenje broj: 104/24 od 30.10.2024. godine, Školski odbor na sjednici održanoj dana 01.11.2024. godine donosi sljedeći:

**PRAVILNIK O
IZMJENI PRAVILNIKA O UNUTRAŠNJOJ ORGANIZACIJI I SISTEMATIZACIJI
RADNIH MJESTA U JU OŠ „MEŠA SELIMOVIĆ“ SARAJEVO**

Član 1.

U Pravilniku o unutrašnjoj organizaciji i sistematizaciji radnih mjesta u JU OŠ „Meša Selimović“ Sarajevo, broj: 02-553/24 od 10.05.2024. godine u odjeljku B) u tački 6. pod rednim brojem 6. iza riječi „Poslovi javne nabavke“ dodaje se broj „(3)“

Član 2.

U Pravilniku o unutrašnjoj organizaciji i sistematizaciji radnih mjesta u odjeljku B) u tački 7. iza alineje 2) dodaje se alineja 3) koja glasi:

"3. Poslovi i radni zadaci za Sekretara koji se konkretno odnose na poslove javnih nabavki su u cilju zakonitog i pravičnog rada škole, da bi se isključila težina nepravilnosti koja je stepen povrede Zakona i podzakonskih akata iz oblasti javnih nabavki, posebno ukoliko je dokazana povreda osnovnih principa javnih nabavki definisanih Zakonom: trošenje javnih sredstava, pravedna i aktivna konkurencija među ponuđačima, jednak tretman (nediskriminacija), transparentnost. Poslovi javnih nabavki za koje je zadužen Sekretar škole odnose se na poslove pravne struke odnosno pravno-administrativne poslove".

Član 3.

u odjeljku B) u tački 8. dodaje se nova taksativna tačka koja glasi: "Poslovi javne nabavke ".

Član 4.

U odjeljku B) u tački 8. iza teksta :

"može angažovati računovodstvenu agenciju." dodaje se tekst:

"Poslovi javnih nabavki za koje je zadužen Referent za plan i analizu odnose se na poslove ekonomske struke".

Član 5.

(Stupanje na snagu)

Ovaj Pravilnik stupa na snagu danom donošenja, a primjenjuje se od 01.09.2024. godine.

Broj: 01-1175-01/24
Sarajevo, 01.11.2024. godine

ZAMJENIK PREDSJEDNIKA ŠKOLSKOG ODBORA

Mizo Planić, prof, s.r.